

Тамхи биед муу нөлөө үзүүлдэг гэдгийг хэн ч сайн мэддэг боловч, тамхийг хэрэглэдэггүй хүн цөөн байдаг нь сонирхолтой. Энэ нь хүмүүсийн байгалиас заяасан зуршил юм болов уу. Өөрөөр хэлбэл хүн өөрийн дуртай зүйлийг яаж байсан хийдэг гэсэн үг юм.

Тамхи татах нь хүний эрхийн асуудал гэж хэлдэг хүн олон байдаг боловч, тамхи татаж байгаа хүний ойролцоо байгаа хүмүүс, тамхи татаж байгаа хүнээс ч илүү хорддог. Тиймээс энэ нь ч хүний эрхийг зөрчсөн хэрэг болох юм бишүү? Тамхины тухай хууль гаргах нь зөв гэж бодож байна. Гэвч Хуулиар тамхийг ор тас хориглох нь бүтэхгүй зүйл юм. Харин үүний оронд тамхи татаж болох газар болон болохгүй газрыг зааж өгөх нь зүйтэй. Мөн Монгол мэтийн жижиг улсад тамхи оруулж ирэхийг багасгах хэрэгтэй.

Тамхийг сурталчилсан самбар сүүлийн үед их харагдах болсон. Энэ тамхи татах хүнийг тоог ихэсгэх явдалд нөлөөлдөг боловч, энэч бас бизнесс учраас, арга ч үгүй юм болов уу?

Миний бодлоор, насанд хүрсэн хүн уйтгарлаж, шаналсан үедээ өөрийгөө тайтгаруулахын тулд тамхи татаж архи уудаг болов уу. Яагаад гэвэл тамхинд хар тамхины хольц орсон байдаг учраас...

Гэвч би яагаад жаахан хүүхдүүд тамхи татах болсныг сайн ойлгохгүй байна. Сүүлийн үед Монголын хүүхдүүд тамхи их татах болсон. Үүний шалтгаан нь юу юм болоо? Гуниж, шаналсандаа тамхийг татах болсон гэж хэлж чадахгүй. Үүний шалтгаан нь эцэг эх, тамхины сурталчилгаа болон уг хүний ухамсараас хамаарч бий болсон болов уу?

Эцэст нь хэлэхэд, хамгийн чухал нь бусад хүнд саад бололгүй, мөн тамхи биенд муу гэдгийг үргэлж толгойндоо бодож татаж байх нь дээр болов уу?